

WAAMAXAY DARSIGA AYNU KAQAADANKARNO

15 –MAY AASAASKII URURKII DHALI NYARADA SOMALI YEED (SYL).???

(SAWI RO DAAWASHO MUDAN)

15ka MAY

MAALIN XUSUUS MUDAN

AASAASAYAASHII SYL

Cabdulqadir Beqaaewadiin
Maxamed Cali Nuur
Yaasin Xaaji Cismaan
Dhawre Xaaji Dheere
Cali Xasan Maxomed (Verduro)
Xaaji Maxamed Xuseen Xaamud
Maxamed Faarax Hilowle (Farnaajo)

Maxamed Xiri Nuur (Sayidien)
Khalif Huudow Macallin
Cismaan Geedi Raage
Maxamed Cismaan Raage
Dahir Xaaji Cismaan (Dhagweyne)
Maxamed Cabdulaahi Faarax (Xayeesi)




MIDNIMO, CADAAALAD IYO ISQADARIN
AYAA LAGU GAARI KARAA
NABAD IYO HORUMAR

1943



Abbayaaashii Gobonimadeenno


Sanad kasta bisha May 15keeda waxaa dalka Soomaaliya laga xusaa aasaaskii xisbigii gobanimo-doonka ahay ee SYL, kaasoo ahay kii ugu horeeyay ee dalka laga furo isagoo ay ku mideysanyihiin dadyowgii ku noolaa koofurta Soomaaliya.



S. Y .L

SomaliSwiss | Garabey

Qaar ka Mid ah Dhalintii S.Y.L



Xuskii 15-May ee ugu Horeysay





Xuskii 15-May ee ugu



Qaar ka Mid ah Dhalintii S.Y.L



Qaar ka Mid ah Dhalintii S.Y.L OO ay ka
dhaxmuuqdaan Xaaji Maxamed Xuseen iyo
Daahir Dhaaga Wevne





Xaaji Maxamed Xuseen "gudoomiyaha
Xisbiga S.Y.L oo Khudbad Jeedinaayo



Ka hor inta aanan u guda gelin maqaalkayga, waxaan si guud udulamarayaas xisbigaas iyo axwaashiisa, sida uu ku bilowday fekerka xisbiga iyo dhalintii dhidibada u aastay intaba.

Dhowr bilood ka hor 15kii May ee 1943kii, waxaa la isku raacsanyahay in [C/qadir Sakhaawadiin iyo Yaasiin Xaaji Cusmaan Sharmarke](#), oo ahaa laba saaxiibo oo aad Isugu fog, ay is weydaarsadeen afkaar la xiriirta nidaamka gumeystaha iyo sida looga bixi karo iyadoo midba feker gaar ah uu qabay.

[C/qadir Sheekh Sakhaawadiin](#) oo ahaa ninkii keenay fekerkaas ayaa qabay in la aasaaso Jamciyad Islaami ah oo umadda mideeysa inta Xisbi siyaasi ah loo gudbin, halka uu [Yaasiin X. Cusmaan](#) uu ka qabay in la aasaaso xisbi siyaasi ah oo shacabka oo dhan metela.

Wadahadaladooda way joogteeyeen iyagoo dhalin kalena kusoo biiriyay, illaa ay markii dambe isku raaceen in la aasaaso naadi ay dhalinta ku kulmaan oo ay isku bartaan waxna isku baraan gaar ahaa ku bartaan Luqadda Engriisiga oo aheyd mid ku cusub dalka, inta laga gaarayo waqtii ku haboon oo xisbi siyaasi ah isu beddeli karo naadigaas, waxyna ugu magac dareen SYC Somali Youth Club.

Kulankii ugu dambeeyay ee ay yeesheen aasaasayaasha xisbigaas waxay isku raaceen seddex Qodob oo kala ah:-

- In xukuumadda Engriiska ee dalka heysata loo qoro codsi ay ku doonayaa in ay furtaan Naadi la yiraahdo SYC. (Somali Youth Club) oo dhalinyarada ku kulanto.
- In la kireeyo Guri u qalma howlaha dhalinyarada ee lagama maarmaanka u ah soona jiidan kara dhalinyarada.
- In la dejijo barnaamij kumeel gaar ah oo dabooli kara qorshaha shaqo ee loo baahanyahay lagama-maarmaana u ah howlaha dhaliyarada.

Markii ay qoreen codsigii ayay 13kii dhalinyaro waxay tageen xafiiskii xaakimkii isticmaarka ee Engriiska u fadhiiyay Muqdisho waxyna u gudbiyeen codsigoodii, iyadoo qaar ka mid ah dhalintaas ay qabeen in

fekerkooda guuleysan doono halka qaarna ay qabeen in ay xarig mutleysan doonaan, laakiin wuxuu ugu jawaabay oraahdii caanka baxday ee aheyd:-

(Wuxuu qoobantahiin dhalinyardiina qabiilo kala duwan waxaana hubaal ah in aadan kuwa hishiin Karin feker iyo ra'yi toona, aniga waxaan idin arkaa dhurwaayo iyo ari mooro lagu wada xareeyay, sideed naadi ugu hishiin kartaan khilaaf la'aan..)

Hase yeeshee, dhalintii 13ka aheyd oo aan hadal kulul ku celin Karin madaxa mustacmaradda ayaa ugu jawaabay , Hadalkaada waxaan ka dhiganeynaa cashar aan ka faa'iideysano, waxaana barbaarin doonaa Dhurwaayada, si aysan ariga u cunin, mana fogaan doonto in aad aragto anagoo ku wada nool Naadiga oo aan wax muran iyo khilaaf uusan ka dhex jirin.

Maalmo ayay jawaab ka sugayeen ka dibna waxaa la soo gaarsiiyay warqad lagu xusay in Engriisku uu hadda ku jiro dagaal uusanna u baahneyn in siyaasadda la farageliyo, balse loo ogolaaday in ay furtaan naadi dhalinta ay ku kulmaan waxna ku bartaan.

Kulankii ugu horeeyayba waxay iska dhex doorteen madaxdii hoggamin laheyd naadiga.

[Sheekh C/qaadir Sh. Sakhaawadiin](#) ayay guddoomiye u doorteen halka [Xaaji Maxamed Xuseen](#) iyo [Maxamed Xirsi Nuur\(Siidii\)](#) loo doortay ku xigeeno iyadoo [Yaasiin Xaaji Cusmaana](#) loo doortay Xoghaye.

Xisbiga oo ujeedadiisa fog ay aheyd ka xoreynta dalka gumeystaha kusoo duulay ayaa wuxuu ka dhigtay talabadiisii ugu horeysay ee uu qaado la dagaalanka qabyaaladaa iyo midab kala sooca.

Dhaliyaradii aasaastay xisbiga SYC oo markii dambe isu beddelay SYL (Somali Youth Lego) waxay ahaayeen 13 dhalinyaro oo da'doodu aad u yaraeyd aqoontoodan aad u xaddidneyd. Waxaan halkaan idinku soo

gudbineynaa magacyadooda iyo da'dooda iyo weliba sidii xubin nimada ay ugu kala horeeyeen:-

-
- 1. Cabdulqaadir Sakhaawadiin (1919) **24 Jir**
- 2. Maxamed Xirsi Nuur(Siidii) **(1915) 28 Jir**
- 3. Yaasiin Xaaji Cusmaan Sharmarke **1917 26 Jir**
- 4. Xaaji Maxamed Xuseen Maxaad **(1917) 26 Jir**
- 5. Cusmaan Geeddi Raage **(1925) 18 Jir**
- 6. Dheere Xaaji Dheere **(1926) 17 Jir**
- 7. Daahir Xaaji Cusmaan (Dhegaweyne) **1925 18 Jir**
- 8. Cali Xasan Maslax **1919 24 Jir**
- 9. Maxamed Cali Nuur **1927 16 Jir**
- 10. Maxamed Faarax Hilowle **1925 18 Jir**
- 11. X. Maxamed Cabdulaahi Xayeesi **1918 25 Jir**
- 12. Huudow Macalin Cabdulaahi Saalax **1926 17 Jir**
- 13. Maxamed Cusmaan Baarbe **1910 33 Jir**

kuma koobnaanin 13kaas nin ee markiiba waxaa kusoo biiray dhalin aad u fara badan waxaa xusid mudan kaalintii lama ilaawaanka ahaa ee ay haweenka Soomaaliyeed kasoo qaateen xisbigaas SYL,waxaaba la oran karaa maba najaxeen haddii aysan taakuleyn oo aysan garab istaagin haweenka.

Xisbigu wuxuu dhisay dowladdii daakhiliga aheyd wuxuuna lasoo kulmay dhibaatooyin fara badan illaa uu dalka ka gaarsiiyo madax banaani buuxda. Hadaba dhalinyarooy maanta oo dalkeenu ku jiro gumaysi waa maxay darsiga ugu habboon ee aan ka qaadan karno dhalinyaradii SYL ee dalka xoriyadda u horseeday??

Anigu waxaan ahmiyadda saari lahaa labo arimood oo aad iisoo jiitay, ahna caqabadda hortaagan in lahelo jiil ku fekeraya qaabkii ay u fekerayeen dhalinyaradii syl, labadaas arrin oo kala ah:

Midnimada iyo ladaagalanka qabyaaladda: dhalinyaroy waxaan umalaynaya qodabkani la'aantiisa in ay tahay waxa Somaliya udiiday nidaamka iyo qaranimada.

Hadaba haddii aan ufiirsano weedhii ay ugu jawaabeen dhalinyaradii SYL, hadalkii kasooyeeray madaxii mustacmarka haystay dalka, ee ahaa "Waxaad ka koobantihii dhalinyardiina qabiilo kala duwan wixaana hubaal ah in aadan kuwa hishiin Karin feker iyo ra'yi toona, aniga wixaan idiin arkaa dhurwaayo iyo ari mooro lagu wada xareeyay, sideed naadi ugu hishiin kartaan khilaaf la'aan???" .

Asxaabay iyo dhalinyarooy waa in muwaadin kasta oo inaga mid ahi isweydiyaa sidi uu uga jawaabi lahaa su'aashaasi, uu soo bandhigay madaxii mustacmarka.

Sidoo kale waa in aan iswaydiinaa su'aashaasi ma waxay habbonayd waqtigaa mise hadda ayay kaga habboontahay?.

Da' kasta oo aad jirtid ama heerkasta oo ay tahay aqoontaadu waxbaad beddeli kartaa:

Runtii walaalayaal iyo saaxiibayaal, marki aan si weyn ufiirino da'dii iyo aqoontii ay lahaayeen dhalinyaradii SYL, waxan kala bixi karaynaa in muwaadin kastaayi ay saarantahay mas'uuliyad weyn oo kaga aadan diintiisa iyo dalkiisa, taasoo aan ku xirnayn da' , aqoon dheeri ah iyo weliba shahaadooyin fara badan oo la qaato.

Hadaba walaalayaal iyo akhristeyaal, waxaan kaa codsanayaa marka aad akhrinaysid maqaalkaan in aad xasuusata dhibaatada haysata dalkeenii hooyo, oo ay kusoo duuleen gumaysi doon cusub.



Qore:

Eng: Nur Abdi Gutale.

Irbid--- Jordan.

E-mail:

gutalesom1@hotmail.com

ama:

[nuursalaad44@hotmail.com.](mailto:nuursalaad44@hotmail.com)